

## Ferðanefnd 2012

Ferðanefnd 2012 var skipuð Bjarna Kristinssyni, Gísla H. Friðgeirssyni, Jóhanni Geir Hjartarsyni, Ólafu Aðalsteinsdóttir, Páli Reynissyni, Reyni Tómasi Geirssyni, Sveini Axeli Sveinssyni,

Þóru Atladóttir og undirritaður Gunnar Ingi Gunnarsson var formaður.



Mynd 1: BK

Hlutverk ferðanefndar er að koma með tillögur að ferðum, finna umsjónarmenn ferða og kynna þær. Umsjónarmaður skipulegur ferð, fær nauðsynleg leyfi t.d. að fara um einkalönd og gistingu þar sem það á við. Hefðin hefur samt verið að hver nefndarmaður hefur tekið að sér að minnsta kosti eina ferð í skipulagningu og fararstjórn. Undantekning varð á því í sumar þegar fararstjórn vantaði í Jónsmessuferð.

Að venju þurfti ekki marga fundi. Einn fundur í byrjun febrúar og tölvupóst samskipti fyrir og eftir þar sem hugmyndir voru vegnar, metnar og úthlutað. Nokkur umræða var um það lúxusvandamál hvað aukist hefði þátttaka í flestar ferðir. Og þá hvort svæði og fararstjórn réði við aukninguna.

Með tilliti til þessara aukningar og eins dýrari ferðakostnaðar var áhersla lögð á skipulagningu styttri ferða og ferða í nágrenni við höfuðborgarsvæðið.



Mynd 2: GIG

Nokkur umræða skapaðist á korki klúbbsins vegna aukins erfiðleikastigs (ára merking ferða) Breiðafjarðarferðar. Reynslan hefur sýnt að straumar eru sterkir á svæðinu og oft þarf að róa fyrir opnu hafi nokkra vegalengd á milli eyja. Nefndin taldi fyrra mat of lágt að fenginni reynslu síðustu ára og því ástæða til að endurskoða matið.

Vinsældir ferðarinnar hefur aukist hratt síðustu ár. Svæðið ræður aðeins við takmarkan fjölda ræðara og litla tjaldbúð. Því er óhjákvæmilegt að grípa til einhverskonar fjölda takmörkunar. Þ.a.l. er nauðsynlegt fyrir fararstjórn að vita fyrirfram hvaða skilyrði þátttakendur þarf að uppfylla t.d., að sjálfsögðu, verða félagi í klúbbum.

Gera má ráð fyrir aukningu félagsmanna á næstu árum og nauðsynleg er að auka áhuga og þátttöku félagsmanna á öðru starfi félagsins og ferðum. Æskilegt er að þátttakan dreifist jafnar á ferðirnar. Það verkefni bíður klúbbsins og ferðanefndar á komandi árum.

Hefðir móta dagsskár ársins. Allt á sér sinn stað og tíma. Jónsmessa og sjómannadagur verða ekki hreyfð, önnur helgi í ágúst er frátekinn fyrir Breiðafjörð, Hvítá á sama tíma og Eurovision. Aðrar ferðir raðast á sumarið þannig að þær rekist ekki á keppnir og hitting kayakfólks á Vestfjörðum (Reykjanesi), Wales og Norðfirði.



Mynd 3: GIG

Við upprifjun sumarsins man maður en og aftur mest eftir veðrinu. Í sumar var veðrið alveg andstætt sumrinu á undan sem þá hafði áhrif á fyrstu ferðir. Núna byrjaði sumarið snemma og fyrsti róður í maí gat ekki verið í meiri blíðu. Hins vegar urðu báðar útilegu ferðirnar okkar seinni hluta sumars fyrir barðinu



*Mynd 4: GIG*

á vondri veðursþá og var aflýst. Aflýsing Breiðafjarðarferðar voru vonbrigði því hún átti sér orðið langa samfellda sögu. En við fórnum ekki öryggi fyrir góða sögu í ferðaskýrslu. Þátttaka meistara Maligiaq hins grænlenska í Jónsmessuróðri er einnig minnistæð og hitti vel á í þeirri ára tískubylgju sem kennd er við Grænland. Stuttu ferðirnar í nágrenni höfuðborgarinnar sýndu okkur skemmtileg róðarsvæði sem við heimsækjum allt of lítið, Kjalarnes og Akranes.



*Mynd 6: GHF*



*Mynd 5: SAS*

Ég þakka ferðanefnd og fararstjórum samstarfið og kayak ræðurum samveruna í ár.

Gunnar Ingi Gunnarsson



*Mynd 7: GP*

## 21. Apríl - Geldingarnes - Nauthólsvík

Umsjón: Gunnar Ingi

Fyrsta ferð sumarsins gat ekki tekist betur. Veðrið yndislegt, sól og logn alla leið.

Hópurinn rúmlega 30 manns vel stemmdir og frábærir ræðarar.



mynd 8: GP

Róður frá Geldinganesinu um Engey, Akurey, Seltjörn við Gróttu og að ylströndinni í Nauthólsvík. Alls um 24 km róður í einstaklega góðu til lofts og sjávar. Stoppin hæfilega mörg og löng til að endurnýja orkubirgðir og krafta til róðra.



mynd 9: GP

Það er greinilega orðin til stór hópur karla og kvenna til langróðra á kayak- þessi róður sýndi það.

## 19. Maí - Geldingarnes – Kjalarnes

Umsjón: Gunnar Ingi

Það voru fimmtán ræðarar sem lögðu upp frá höfuðstöðvunum í austan vindi þó ekki svo miklum að það væri til að hafa áhyggjur af enda allt vanir ræðara.

Frá Lundey yfir í Brimnes var töluverður vindstrengur sem kom á hliðina á okkur með tilheyrandi öldugangi en allt gekk þetta vel. Í Brimnesi var tekið land aðeins til að teygja sig og klöngrast í flughálum steinunum. Kaffistopp var tekið neðan við byggðina á Kjalarnesi í blíðvirði. Áfram var róið í kringum Kjalarnesi í mjög skemmtilegum aðstæðum, klettur og björg sem gaman var að skoða, sama var uppá teningnum í kringum Músanes.



mynd 10: ÞK

Hluti hópsins hringaði svo að lokum Andriðsey á meðan aðrir voru orðnir tímabundnir og fóru beint í bílana sem stóðu við bæinn Brautarholt. Harði kjarninn endaði svo á róa bara aftur heim !!

Alls voru rónir um 21 km í bílana, svo hefur verið ca 15 km heim aftur.



mynd 11: GIG

Þessir réru Gunnar Ingi, Sigrún, Þóra, Klara, Kolla, Björg (systir Þorbergs) Þorbergur, Ólafía, Egill, Össur, Guðni Páll, Einar Sveinn, Sigurjón, Perla og Lárus. Guðni, Össur og Egill réru heim aftur.



Mynd 12: GIG

Það vakti athygli hve þarna er flott róðrarsvæði örstutt frá borginni, skemmtilegt að fara á þessar slóðir.

## 2 Júní – Hvítá

Umsjón : Jóhann Geir Hjartarson



Mynd 13: GHF

Hin árlega ferð í Hvítá var farin 2. júní. Veður gott og áin í góðu skapi. Fjórir réru, Jói fararstjóri, Doddi kunningi hans, Heiða og Gísli HF. Það var notalegt að byrja og enda við kaffiborðin á Drumbó og Jói var þarna greinilega á heimavelli. GHF var ánægður með bætingu

“...fannst ég vera aðeins betri en fyrir tveim árum - þetta er allt að koma!”.

## 3. Júní - Hörpuróður (Sjómanna dagur)

Umsjón: Ólafía Aðalsteinsdóttir / Bjarni Kristinsson



mynd 14: BK

Nú árlegur Hörpuróður var róinn á Sjómanna daginn 3. júní. Þetta var hin ágætasta skemmtun og veðrið var með því besta sem gerist hér á landi, hæg gola frá Skarfakletti og inni Reykjavíkurhöfn.



mynd 15: BK

Þrír reru úr Geldinganesinu og hittu aðra fjórtán við Skarfaklett hvaðan róíð var inn í Reykjavíkurhöfn.

Gott kaffistopp tekið við Sjóminjasafnið-þar sem nokkrir brutu upp kaffi hefðina og fengu sér hamborgara að hætti dagsins. Og þeir sprækustu fóru í hoppukastala og stóðu sig vel.

Til baka var síðan haldið með svo til beina stefnu á Sundahöfn. Nokkur ylgja var komin og í bland við öldurót hraðbátanna varð úr hið skemtilegasta róðrarfæri.

Og að lokum var rennt í hina glæsilegu skeljasandsfjöru við Skarfaklettinn- frábær brottfarar og komustaður kayakróðra um Sundin blá.

Róðrarvegalengdin varð um 10.5 km eða um 5,7 sjómíllur.



mynd 16: BK

Þeir sem reru: Halla og Ingi Bogi, Ragnheiður og Eiríkur, Ólafía var fararstjóri, Gísli S K var róðarstjóri, Hannes, Sævar, Thorbergur, Lárus, Gunnar Ingi, Hilmar á Barbí, Halli og Eva sem reru úr sandfjörinni við Skarfaklett. Einar Sveinn, Smári og Ingi komu úr Geldinganesi. Og úr Örfirisey komu Erna og Eymi.

## 16. júní - Suðurnes.

Umsjón : Gísli Fridgeirsson

Lýsing ferðar var eftirfarandi :

“Róið verður fyrir Sandvík að virkjun og til baka, vegalengd 20 - 30 km. Til vara Garður - Vogar, um 20 km. Þessi ferð er ekki fyrir byrjendur og allur búnaður þarf að vera í lagi. Suðurnesin koma alltaf á óvart og eru heillandi svæði, en mikinn hluta ársins er illfært til róðurs á þessum slóðum, þannig að nú er tækifærið. Fjara er kl. 10:20, flóð kl. 16:36, norðurfall síðdegis mest 1 - 2 km/h. Tími og fjarlægðir u.þ.b.: Hafnir - Sandvík 10 km 10:30 - 12:30, matartími í Sandvík, Sandvík - Reykjanesvirkjun fram og til baka 6 km 13:15 - 14:30, kaffi í Sandvík, Sandvík - Hafnir 15:00 - 17 u.þ.b”.

Það voru svo tíu ræðarar sem fóru á sjó innan við bryggjuna í Höfnum kl. 10:30. Gísli H F - Perla - Sveinn Axel - Hildur - Egill - Þorbergur - Lárus - Kolbrún - Ólafía og Tryggvi frá Sviða. Sveinn og



*Mynd 17: SAS*

Lárus voru umsjónarmanni til aðstoðar við róðrarstjórn.

Vindur var að meðaltali 7 m/s úr NV en fór af og til upp í 10 - 11 m/s. Auk þess var vestan aldan um metri, auk brota á skerjum, bæði blindum og sýnilegum. Það var mat manna að rétt væri að meta ferð á þessu svæði til "þriggja ára" erfiðleikastigs, fremur en tveggja. Við fórum í skjól við Junkaragerði, eftir stuttan róður. Þar háttar svo til á fjöru, að skerjarani skagar til vesturs og veitir skjól fyrir öldunni. Við enda hans og sunnan við hann þar sem við fórum inn eru grynningar og hlið milli skerja og þar brotnaði þessi meters alda en slyppi maður þar í gegn var komið inn í lygna "tjörn". Kolla var fyrst á eftir mér og fór á lagi og þetta var minni háttar öldureið, skemmtileg hjá flestum, en Þorbergur tók sér far með "ólagi" inn. Hann lagðist laglega í ölduna eins og vanir menn gera og brunaði fram með "súpunni" þar til aldan bara hætti skyndilega að vera til og Þorbergur studdi sig við ekki neitt eins og títt er í eldri teiknimyndum og féll í bólakaf og synti síðan í land með minni háttar aðstoð.



*Mynd 18: SAS*

Á leiðinni í Sandvík tók Hafnarbergið við, bjarg sem enginn sér frá veginum og þar liggur svartfuglinn nú á. Frákastið frá bjarginu var ruglandi og kann að valda notalegri sjóriðu þegar lagst verður til svefnis í kvöld. Lendingin í Sandvík gekk vandræðalaust, en mikið af sandi barst inn í suma bátana þar. Þarna var snætt á rekaviðarbol, en síðan skroppið að Reykjanesvirkjun. Það var furðulegt að vera þar fyrir utan í svo heitum sjó að hæft hefði heitum potti. Ég var mest hræddur um að ef ég færi veltu þar kæmi ég snöggsóðinn upp aftur.

Vegna aðstæðna sem lýst hefur verið nenntum við ekki að róa til baka móti vindi og öldu frá Sandvík aftur í Hafnir og lauk því góðri ferði í Sandvík.

## 23.júní - Jónsmessuróður

Umsjón Össur Imsland ásamt sérlegum aðstoðarmanni Einari Sveini Magnússyni

Það var fáménnt að þessu sinni í þessum fasta lið í róðrarferðum sumarsins Jónsmessuróðrinum. Að venju og eins og hefðin er fyrir var róið í Hvalfirði og frá Hvammsvík eins og oftast er gert ef verður leyfir.

Við vorum níu sem rérum: Egill, Einar, Friðþjófur, Jónas, Magni, Maligiaq sá grænlenki snillingur, Marta, Þórólfur og Össur.

Í upphafi ferðar var byrjað á því að grilla pylsur í mannskapinn í fjörusporði Hvammsvíkur. Það hefur skapast ágætis stemming um þetta uppátæki að grilla og borða léttan snæðing áður en róið er að stað. Það má því með sanni segja að við vorum södd og sælleg þessir fáu ræðarar sem rérum af stað þetta Jónsmessukvöl í blíðskapa veðri.



Mynd 19: ESM

Ákveðið var að róa léttan hring um Hvammshöfða og róa svo inn fjörðinn, með landinu sunnanmegin svona bara eins langt og menn hefðu stemmara fyrir. Það varð svo úr að við rérum að



Mynd 20: ESM

svo nefndum Stórhöfða þar sem við tókum flest kaffipásu. Maligiaq var hins vega greinileg ekki vanur svona rólegum róðri og þeyttist um fjörðinn þveran og endilangann með við hin drukkum grænt te. Við rérum til baka næstum sömu leið en skiptumst á að róa með snilldar grænlenku priki (Alpine Paddle, made in France) sem við höfðum kynnst hjá Maligiaq fyrr um daginn þegar hann var með námskeið í grænlenksri áratækni, veltu og fleiru.

Þetta var í öllu falli notaleg kvöldstund í rólegum einnar árar róðri.

## 30. júní Rauðanes-Miðhús

Fararstjóri og róðrarstjóri: Sveinn Axel Sveinsson

Upphaflegt róðraplan var 17 km róður frá Rauðnesi að Álftanesi, en ferðin stytt aðeins og endað var í landi Miðhúsa, þar sem flóðataflan var okkur ekki hagstæð.

13 félagsmenn mættu stundvíslega kl 10:00 í róðurinn sem hófst við Rauðanes 2 rétt vestan við Borgarnes. Heimamenn á bænum Rauðnesi 2 tóku vel á móti okkur



Mynd 21: SAS



með kaffi og buðu okkur velkomin. Farið var með tvo bíla á leiðarenda, þ.e í landi Miðhúsa. Róið var með ströndinni, þar sem fjölbreyttir klettur og skorningar voru skoðaðir innan um fjölskrúðugt fuglalíf. Veðrið lék við okkur, sól og 17 stiga hiti og lítill sem enginn vindur, þó fengum við smáinnlögn með okkur í lok ferðar. Kaffistopp var tekið, ekki langt frá ósum Langár, þar sem ljúft var að njóta sólarinnar í falletu umhverfi. Þetta var rólegur róður, þar sem farið var í land nokkrum sinnum til að teygja sig og sumir lögðust til sunds í sjónum til að kæla sig, án þurrgalla, slík var verðurblíðan.



Mynd 22: SAS

Þetta er nokkuð fjölbreytt og skemmtilegt róðrarsvæði eins og sjá má

Róðurinn endaði í 15,5 km og komum í land á Miðnesi um kl 16:30.

Þátttakendur voru: Sveinn Axel, Hildur, Reynir Tómas, Steinunn, Klara, Egill, Marta, Einar, Margrét, Tryggvi, Einar Páll, Jónas, Magnús S.

## 6. júlí – Vatnsfjörður (aflýst)

Umsjón Páll Reynisson

Þessi ferð var titluð "Vatnsfjörður" í ferðakynningu klúbbsins, en gert ráð fyrir róðri í Arnarfirði til vara. Áætlað var að hafa bækistöð í Flókalundi í Vatnsfirði og róa þaðan vestur í Hagavaðal fyrri daginn og yfir í Skálmarnes og Kjálkafjörð þann seinni.

Dagana fyrir þessa ferð í Vatnsfjörðinn var veðurspá ekki upp á það besta. Aðeins tveir gáfu áhuga sinn til þátttöku til kynna og annar afboðaði sig síðan. Því var ákveðið að fella þessa klúbbferð niður. Umsjónarmaður lagði þó ekki árar í bát heldur hélt einn vestur með allt sitt hafurtask.

Ferðalýsingu Palla má finna á [kayakklubburinn.is](http://kayakklubburinn.is) undir "ferðasögur".

## 10 ágúst Breiðafjarðarferðin (aflýst)

Umsjón Reynir Tómas Geirsson.

Breiðafjarðarferðin 10.-12. ágúst var ekki farin vegna mjög slæms veðurútlits sem mönnum þótti ekki óhætt að fara af stað í með stóran hóp. Fara átti í Rauðseyjar og Rúfeyjar. Þó ferðinni væri formlega aflýst stefndi í allgóða þátttöku.

Nokkrir félagar fóru á eigin vegum vestur á Skarðsströnd og þó veðrið væri ekki gott fóru þeir samt út og komust í báða eyjaklasana í ferð sem þrátt fyrir veðrið gekk nokkuð vel.

## 8.sept - Fyrir Akranes

Umsjón Reynir Tómas Geirsson



mynd 23: ÞK

Ferðin fyrir Akranes var farin 8. september og tókst vel.

Alls voru 11 félagar mættir, og róíð var fyrst í rúma klst úr Blautósi inn í Krókalón, þar sem var gott hádegishlé. Svo var á annarri klst farið fyrir Vesturflösinu að vitanum þar sem heimamenn tóku vel á móti okkur og við skoðuðum vitann, frábært útsýni þaðan og skemmtilega ljósmyndasýningu í vitanum. Loks var farið um hafnarmynnið á Langasand.

Það skiptust á lygnusvæði og sterkari alda, veður var með þægilegasta móti og hópurinn að vanda góður. Svæðið er frábært róðrarsvæði sem þarf að gefa meiri gaum.



mynd 24: ÞK

## Myndasmiðir

- (SAS) Svein Axel Sveinsson
- (GP) Guðni Páll Viktorsson
- (BK) Bjarni Kristinsson
- (GHF) Gísli Friðgeirsson
- (ÞK) Þorbergur Kjartansson
- (GIG) Gunnar Ingi Gunnarsson
- (ESM) Einar Sveinn Magnússon